

文選正文

山子點


五

特279  
301  
一〇号  
十三册内第六

特279-301



1200501132295



始



28  
301

特279  
301

類總集  
屬漢總  
冊十三  
由十六

文選正文卷之五

明治九年九月十八日

詩類

補亡詩六首 四言并序

東晉

南陔孝子相戒以養也

循彼南陔言採其蘭眷戀庭闈心不違安彼居之子罔或游  
盤馨爾夕膳潔爾晨餐循彼南陔厥草油油彼居之子色思  
其柔眷戀庭闈心不違留馨爾夕膳潔爾晨羞有獺有獺在  
河之浹浹波赴汙噬魴捕鯉噉噉林鳥受哺于子養隆敬薄  
惟禽之似最增爾虔以介丕祉

白華孝子之潔白也

白華朱萼被於幽薄粲粲門子如磨如錯終晨三省匪惰其

恪白華絳。跌在陵之陬。蒨蒨士子。涅而不渝。竭誠盡敬。壘壘忘劬。白華玄足。在丘之曲。堂堂處子。無管無欲。鮮伴晨葩。莫之點辱。

華黍時和。歲豐宜黍稷也。

黼黻重雲。習習和風。黍華陵巔。麥秀丘中。靡田不播。九穀斯豐。奕奕玄霄。濛濛甘雷。黍發稠華。禾挺其秀。靡田不殖。九穀斯茂。無高不播。無下不植。芒芒其稼。參參其穡。穡我王委。充我民食。玉燭陽明。顯猷翼翼。

由庚萬物得由其道也。

蕩蕩夷庚。物則由之。蠢蠢庶類。王亦柔之。道之既由。化之既柔。木以秋零。草以春抽。獸在于草。魚躍順流。四時遞謝。八風

代扇織阿。案晷星變。其躔五緯。不愆六氣。無易愔愔。我王紹文之跡。

崇丘萬物得極其高大也。

瞻彼崇丘。其林藹藹。植物斯高。動物類斯。人周風既洽。王猷允泰。漫漫方輿。迴迴洪覆。何類不繁。何生不茂。物極其性。人永其壽。恢恢大圓。茫茫九壤。資生仰化。于何不養。人無道天。物極則長。

由儀萬物之生各得其儀也。

肅肅君子。由儀率性。明明后辟。仁以為政。魚遊清池。鳥萃平林。濯鱗鼓翼。振振其音。寶寫爾誠。主竭其心。時之和矣。何思何修。文化內輯。武功外悠。

述祖德詩二首 五言

謝靈運

達人貴自我，高情屬天雲。兼抱濟物性，而不纓垢氛。敗生藩魏國，展季救魯人。弦高犒晉師，仲連却秦軍。臨組乍不縶，對珪寧肯分。惠物辭所賞，勵志故絕人。苒苒歷千載，遙遙播清塵。清塵竟誰嗣，明哲時經綸。委講綴道論，改服康世屯。屯難既云康，尊上降斯民。  
晉師當是秦師，蓋似作者誤。

中原昔喪亂，喪亂豈解已。崩騰永嘉末，逼迫太元始。河外無反正，江介有蹙圯。萬邦咸振懼，橫流賴君子。拯溺由道情，龔暴資神理。秦趙欣來蘇，燕魏遲文軌。賢相謝世運，遠圖因事止。高揖七州外，拂衣九湖裏。隨山疏滯澗，傍巖藝枌梓。遺情捨塵物，貞觀百壑美。

諷諫詩 并序 四言

韋孟

孟為元王傅，子夷王及孫王。戔戔荒淫不遵道，作詩諷諫。蕭蕭我祖國，自豕韋黼衣。朱黻四牡，龍旂彤弓。斯征撫寧，遐荒總齊。羣邦以翼，大商迭彼。大彭勳績，惟光至于有周。歷世會同，王叔聽譖。寔絕我邦，我邦既絕。厥政斯逸，賞罰之行。非由王室，庶尹羣后。靡扶靡衛，五服崩離。宗周以降，我祖斯微。遷于彭城，在予小子。勤啖厥生，阨此嫚秦。耒耜斯耕，悠悠嫚秦。上天不寧，乃眷南顧。授漢于京，於赫有漢。四方是征，靡適不懷。萬國攸平，乃命厥弟。建侯于楚，俾我小臣。惟傅是輔，矜矜元王。恭儉靜一，惠此黎民。納彼輔弼，享國漸世。垂烈於後，乃及夷王。尅奉厥次，咨命不永。惟王統祀，左右陪臣。斯惟皇

士如何我王不思守保不惟履冰以繼祖考邦事是廢逸游  
是娛犬馬悠悠是放是驅務此鳥獸忽此稼苗蒸民以置我  
王以媮所弘匪德所親匪俊唯囿是恢唯諛是信喻喻諂夫  
謬謬黃髮如何我王曾不是察既藐下臣追欲縱逸嫚彼顯  
祖輕此削黜嗟嗟我王漢之睦親曾不夙夜以休令聞穆穆  
天子照臨下土明明羣司執憲靡顧正遐由近殆其茲怙嗟  
嗟我王曷不思匪思匪監嗣其罔則彌彌其逸岌岌其國  
致冰匪霜致墜匪慢瞻惟我王時靡不練興國救顛孰違悔  
過追思黃髮秦繆以霸歲月其徂年其逮考於赫君子庶顯  
于後我王如何曾不斯覽黃髮不近胡不時鑒

勵志詩

張華

人儀幹運人廻地游四氣鱗次寒暑環周星火既夕忽焉素  
秋涼風振落熠燿宵流其一吉士思秋寔感物化日歎月歎  
荏苒代謝逝者如斯曾無日夜嗟爾庶士胡寧自念其二仁  
道不遐德輜如羽求焉斯至衆鮮克舉大猷玄漠將抽厥緒  
先民有作貽我高矩其三雖有淑姿放心縱逸出般丁游居  
多暇日如彼梓材弗勤丹漆雖勞朴斲終負素質其四養山  
燔人獸號于林蒲盧縈繳神威飛禽木伎之妙動物感心研  
精耽道安有幽深其五安心恬蕩棲志浮雲體之以質彪之  
以文如彼南畝力未既勤蔗藪致功必有豐殷其六水積成  
川載瀾載清土積成山歆蒸鬱冥山不讓塵川不辭盈勉志  
舍弘以隆德聲其七高以下基洪山纒起川廣白源成人在

始累微以著乃物之理。繼率之長實累千里。其八復禮終朝。天下歸仁。若金受礪。若泥在鈎。進德修業。暉光日新。隰朋仰慕子亦何人。其九

上責躬應詔詩表

曹植

臣植言。臣自抱蒙歸藩。刻肌刻骨。追思罪戾。晝分而食。夜分而寢。誠以天網不可重罹。聖恩難可再恃。竊感相鼠之篇。無禮遘死之義。形影相弔。五情愧赧。以罪棄牛。則違古賢夕改之勸。忍垢苟全。則犯詩人胡顏之譏。伏惟陛下德象天地。恩隆父母。施暢春風。澤如時雨。是以不別荆棘者。慶雲之惠也。七子均養者。鳴鳩之仁也。舍罪責功者。明君之舉也。矜愚愛能者。慈父之恩也。是以愚臣徘徊於恩澤。而不敢自棄者也。

前奉詔書。臣等絕朝心。離志絕。自分黃耆。永無執珪之望。不圖聖詔。狼垂齒。任全止之日。馳心輦轂。僻處西館。未奉闕庭。踊躍之懷。瞻望反側。不勝犬馬戀主之情。謹拜表并獻詩。一篇。詞旨淺末。不足采覽。貴露下情。冒顏以聞。臣植誠惶誠恐。頓首頓首。死罪死罪。

責躬詩四言

於穆顯考。時惟武皇。受命于天。寧濟四方。朱旗所拂。九土披攘。玄化滂流。荒服來上。超商越周。與唐比蹤。篤生我皇。奕世載聰。武則肅烈。文則時雍。受禪于漢。君臨萬邦。萬邦既化。率由舊則。廣命懿親。以藩王國。帝曰爾侯。君茲青土。奄有海濱。方周于魯。市服有輝。旌章有叙。濟濟俊乂。我躬我輔。伊余小

子恃寵驕盈。東掛時綱。動亂國經。作藩作屏。先軌是隳。傲我  
皇使。犯我朝儀。國有典刑。我削我黜。將寘丁罪。元凶是率。明  
明天子。時惟篤類。不忍我刑。暴之朝肆。違彼執憲。哀予小子。  
改封充邑。于河之濱。股肱弗置。有君無臣。荒淫之闕。誰弼余  
身。僮僮僕夫。于彼冀方。嗟予小子。乃罹斯殃。赫赫天子。恩不  
遺物。冠我玄冕。要我朱紱。光光大使。我榮我華。剖符授玉。王  
爵是加。仰齒金璽。俯執聖策。皇恩過隆。祇承休惕。咨我小子。  
頑凶是嬰。逝慚陵墓。存愧闕庭。匪敢傲德。寔是恩是恃。威靈改  
加。足以沒齒。吳天罔恤。生命不圖。常懼顛沛。抱罪黃墟。願蒙  
矢石。建旗東嶽。庶一毫毫微功。自贖危軀。授命知足。免戾甘  
赴。江湖奮戈。吳越入啓。其畏得會。足畿運耒。聖顏如渴。如饑。

心之云慕。愴矣其悲。天高聽卑。皇肯照微。

應詔詩

肅承明詔。應會皇都。星陳夙駕。秣馬脂車。命彼掌徒。蕭我征  
旅。朝發鸞臺。夕宿蘭渚。茫茫原隰。祁祁一女。經彼公田。樂我  
稷黍。爰有樛木。重陰匪息。雖有糠糧。餓不遑食。望城不過。面  
邑不游。僕犬警策。平路是由。玄駟藹藹。揚鑣漂沫。流風翼衡。  
輕雲承蓋。涉澗之濱。緣山之隈。遵彼河濱。黃坂是階。西濟關  
谷。或降或升。駢駘倦路。載寢載興。將朝聖皇。匪敢晏寧。弭節  
長驚。指日遄征。前驅舉燧。後乘抗旌。輪不輟運。轡無廢聲。爰  
暨帝室。稅此西墉。嘉詔未賜。朝覲莫從。仰瞻城闕。俯惟闕庭。  
長懷永慕。憂心如醒。

關中詩

潘岳

於皇時晉受命既固二祖在天聖皇紹祚德博化光刑簡在  
 錯微火不戒延我寶庫其蠢爾戎狄狡焉思肆虞我國膏  
 窺我利器岳牧慮殊威懷理二將無專策兵不素肄其二翹  
 翹趙王請徒其萬朝議惟疑未逞斯願相桓梁征高牙乃建  
 旗蓋相望偏師作援其三虎視眈眈威彼好時素甲日耀玄  
 幕雲起誰其繼之夏侯士惟系惟處別營暴時其四夫豈  
 無謀戎士承平守有完郭戰無全兵鋒交卒奔孰免孟明飛  
 檄秦郊告敗其上京其五周狗師令身膏氏客人之五亡貞節  
 克舉盧播違命投界明上為法受惡誰謂荼苦其六哀此黎  
 元無罪無辜用膺塗地白骨交衢夫行妻寡父出子孤伸我

晉民化為狄俘其七亂離斯瘼日月其稔天子是咨於食晏  
 寢上憂臣勞孰不砥憤愧無獻納其八皇赫斯怒  
 爰整精銳命彼上谷指日遄逝親奉成規稜威遐厲自陷中  
 亭揚聲萬計其九兵固詭道先聲後實聞之有司以萬為一  
 紂之不善我未之必虛鼎滄德繆彰甲吉其十維門不啓陳  
 汧危偏觀遂虎奮感恩輸力重圍克解危城載色豈日無過  
 功亦不測其十一情固萬端于何不有紛紜齊萬亦孔之醜  
 曰納其降曰梟其首疇真可掩孰偽可久其十二既後兩辭  
 既蔽爾訟當乃明實否則證空好爵既靡顯戮亦從不見實  
 林伏其漢邦其十三周人之詩寔曰采薇北難獫狁西患昆  
 夷以古况今何足驩威徒愍斯民我心傷悲其十四斯民如



何荼毒于秦師旅既加飢饉是因疫癘淫行荆棘成榛將陽  
之粟浮于涓濱其十五明明天子視民如傷申命羣司保爾  
封疆靡暴于衆無陵于強憊憊寡弱如熙春陽其十六

公讌詩 五言

曹植

公子敬愛客終宴不知疲清夜遊西園飛蓋相追隨明月澄  
清景列宿正參差秋蘭被長坂朱華冒綠池潛魚躍清波好  
鳥鳴高枝神飈接丹轂輕輦隨風移飄飄放志意千秋長若  
斯

公讌詩

王粲

昊天降豐澤百卉挺歲華涼風撤蒸暑清雲却炎暉高會君  
子堂命坐蔭華棖嘉肴充圓方旨酒盈金罍管絃發徵音曲  
度清且悲合坐同所樂但忽杯行遲常聞詩人語不醉且無  
歸今日不極歡含情欲待誰見眷良不越守分豈能違古人  
有遺言君子福所綏願我賢主人與天享壽域克符周公業  
奕世不可追

公讌詩

劉楨

永日行游戲歡樂猶未央遺思在玄夜相與復翔翮輦車飛  
素蓋從者盈路傍月出照園中珍木鬱蒼蒼清川過石渠流  
波爲魚防芙蓉散其華齒苾溢金塘靈鳥宿水裔仁獸游飛  
梁華館寄流波豁達來風涼生平未始聞歌之安能詳投翰  
長歎息綺麗不可忘

侍五官中郎將建章臺集詩

應瑒

朝鳳鳴雲中。音響一何哀。問子遊何鄉。戢翼正徘徊。言我塞門來。將就衡陽樓。往春翔北土。今冬客南淮。遠行蒙霜雪。毛羽日摧頽。常恐傷肌骨。身隕沈黃泥。簡珠墮沙石。何能中自諧。欲因雲雨會。濯翼陵高梯。良遇不可值。伸眉路何階。公子敬愛客。樂飲不知疲。和顏既以暢。乃肯顧細微。贈詩見存慰。小子非所宜。爲日極歡情。不醉其無歸。凡百敬爾位。以副飢渴懷。

皇太子宴玄圃宣猷堂有令賦詩四言陸機

正迭紹洪聖啓運。自昔哲王先入而順。羣辟崇替降及近古。黃暉旣渝。素靈承祐。乃春斯禋祚之宅上。三后始基。世武不承。協風傍駭。天啓仰澄。淳嘯六合。皇慶攸興。自彼河汾。奄

齊七政。時文惟首。世篤其聖。欽翼昊天。對揚成命。九區克咸。燕歌以詠。皇。上纂隆經教。弘道于化。旣豐在工。載考俯釐。庶績仰荒。大造儀刑。祖宗爰綏。天保篤生。我后克明。克秀體輝。重光承規。景敷茂德。淵冲天姿。玉裕最爾。小臣逸彼荒遐。弛厥負擔。振纓承華。匪願伊始。惟命之嘉。

大將軍宴會破命作詩

陸雲

皇皇帝祐誕隆。駿命四祖。止家天祿。安定。啟哲惟晉。世有明聖。如彼日月。萬景攸正。其一巍巍明聖。道降自天。則明分爽。觀象洞玄。陵風協紀。絕輝照淵。肅雍往播。福祿來臻。其二在昔姦臣。稱亂紫微。神風潛駭。有赫茲威。靈旗樹旆。如電斯揮。致天之屈。于河之沂。有命再集。皇輿凱歸。其三頽綱旣振。品

物咸秩神道見素遺華反質辰畧重光協風應律函夏無塵  
海外有謚其四十一宇宙天地交泰王在華堂式宴嘉會玄  
暉峻朗翠雲崇靄昆弁振纓服藻垂帶其五祁祁臣僚有來  
雍雍薄言載考承顏下風俯覲嘉客仰瞻玉容施已唯約于  
禮斯豐大錫難老如岳之崇其六

晉武帝華林園集詩

應禎

悠悠太上民之厥初皇極肇建彝倫攸敷五德史運膺錄受  
符陶唐既謝天歷在虞其於時上帝乃顧惟眷光我先祚  
應期納禪位以龍飛文以虎變玄澤滂流仁風潛扇區內宅  
心方開回向其一一人垂其象地聯其文鳳鳴朝陽龍翔景雲  
嘉禾重穎贊英載分率土咸序人胥悅欣其二恢恢皇度穆

穆聖容言思其順貌思其恭在視斯明在聽斯聰登庸以德  
明試以功其四其恭惟何昧且不顯無理不經無義不踐行  
捨其華言去其辯游心至虛同規易簡六府孔修九有斯靖  
其五澤靡不被化罔不加聲教南暨西漸流沙幽人肆嶮遠  
國忘遐越裳重譯充我皇家其六峩峩列辟赫赫虎臣內和  
五品外威四賓修時貢職人覲天人備言錫命羽蓋朱輪其  
七貽宴好會不常厥敷神心所受不言而喻於是肄射弓矢  
斯御發彼五的有酒斯飲其八文武之道厥猷木墜在昔先  
王射御茲器示武懼遠過亦爲矢凡厥羣后無懈于位其九  
九日從宋公戲馬臺集送孔令詩五言謝瞻  
風至授寒服霜降休百工繁林收陽彩密苑解華叢巢慕無

留鸞遵渚有來鴻。輕衣冠。秋日迅。尚薄清宵。聖心眷嘉節。揚鑿戾行宮。四筵霏芳醴。中堂起絲桐。扶光迫西汜。歡餘宴有窮。逝矣將歸客。餐素克有終。臨流怨莫從。歡心歎飛蓬。

謝朓樂游應詔詩

范曄

崇盛歸朝闕。虛寂在川岑。山梁協孔性。黃屋非堯心。軒駕時未肅。文閣降照臨。流雲起行蓋。晨風引鑿音。原薄信平蔚。臺澗備曾深。蘭池清夏氣。修帳含秋陰。遵渚攀蒙密。隨山吐嶠嶮。睇目有極覽。游情無近尋。聞道雖已積。年力互頽侵。探已謝丹黻。感事懷長林。

九月從宋公戲馬臺集送孔令詩

謝靈運

季秋邊朔苦。旅鴈違霜雪。凄凄陽丹艸。皎皎寒潭潔。良辰感聖心。雲旗興暮節。鳴葭戾朱宮。蘭卮獻時哲。餞宴光有孚。和樂隆所缺。在宥天下理。吹萬羣方悅。歸客遂海隅。脫冠謝朝列。弭棹薄枉渚。指景待樂闕。河流有急瀾。浮騶無緩轍。豈伊川途念宿心。愧將別彼美。白園道喟焉。傷薄劣。

應詔燕曲水作詩

顏延之

道隱未形治。彰既亂帝迹。懸衡皇流共。貫惟下創物。水錫洪算仁。固開周義高。登漢其一。亦融世哲業。光列聖太上正位。天臨海鏡。制以化裁。樹之形性。惠溥萌生。信及翔泳。其一。崇虛非徵。積實莫尚。豈伊人和實靈。所賦日完。其朔月不掩。望航琛越。水輦賫踰嶂。其三。帝體麗明儀。辰作貳君。彼東朝金昭。上粹德有潤。身禮不愆。器柔中淵映。芳猷蘭秘。其四。昔在

文昭今惟武穆烏赫王宰方田居叔有昨獻藩爰履奠牧寧  
極和鈞屏京維服其五 卅魄雙交月氣參變開榮灑澤舒虹  
燦電化際無間皇情及眷伊思鑄飲每惟洛宴其六 郊餞有  
壇君舉有禮幙帷蘭甸晝流高階分庭薦樂折波浮醴豫同  
夏諺事兼出濟其七 仰闕豐施降惟微物妨儲謀五塵朝  
徽途泰命也恩充報屈有悔可悛滯暇難拂其八

皇太子釋奠會作詩

顏延之

國尚師位家崇儒門崇道毓德講藝立言浚明爽曙達義茲  
昏永瞻先覺顧惟後昆其一 大人長物繼天接聖時屯必亨  
運蒙則止偃閉武術闡揚文令庶士傾風萬流仰鏡其二 虞  
庠飾館睿圖炳粹懷仁懍集抱智膺至踵門陳書躡屨獻器

澡身玄淵宅心道秘其三 伊昔周儲聿光往記思皇世哲體  
元作嗣資此風知降從經志邇彼前文矩周規值其四 正殿  
虛筵司分簡日尚席函杖丞疑奉帙侍言稱辭惇史秉筆妙  
識幾音王域有述其五 肆議芳訊人教克明敬躬祀典告奠  
聖靈禮屬觀監樂薦歌笙昭事是肅祖實非馨其六 獻終襲  
吉卽宮廣讌堂設象庭宿金懸台保兼徽皇威比彥看乾  
酒澄端服整弁其七 八官視命九賓相儀纓笏而序巾卷充  
街都莊雲動野旭風馳倫周伍漢超哉邈猗其八 清暉在天  
容光必照物性其情理宜其奧亥先國胄側聞邦教徒愧微  
冥終謝智效其九

侍宴樂游苑送張徐州應詔詩 五言 丘遲

詰日聞闔開馳道聞風吹輕黃承玉輦細草藉龍騎風遲山  
尚響雨息雲猶積巢空初鳥飛行亂新魚戲定惟北門重匪  
親孰爲寄參差別念舉肅穆恩波被小臣信多幸投生豈酬  
義

應詔樂游苑餞呂僧珍詩

沈約

丹浦非樂戰負重切君臨我皇秉至德心已用堯心愍茲區  
宇內魚鳥失飛沈推轂噴道揚旆九河陰起乘盡三屬選  
士皆百金戎車出細柳餞席樽上禁命師誅後服授律緩前  
禽音解方解帶堯武稍披襟伐罪音山曲吊民伊水潯將陪  
告成禮待此未抽簪

送應氏詩二首

曹植

張谷北芒收遙望洛陽山洛陽何寂寞宮室盡燒焚垣墻皆  
頽擗荆棘上參天不見舊耆老但觀新少年側足無行徑荒  
囿不復田遊子久不歸不識陌與阡中野何蕭條下里無人  
煙念我平生居氣結不能言其音清時難屢得嘉會不音常  
入地無終極人命若朝霜願得展嬖婉我友之朝方親昵並  
集送置酒此河陽中饋豈獨薄賓飲不盡觴愛至望苦深豈  
不愧中腸山川阻且遠別促會日長願爲比翼鳥施翮起高  
翔音其二

征官屬送於陟陽侯作詩

孫楚

晨風飄路零雨被秋草傾城遠追送餞我千里道三命皆  
有極咄嗟安可保莫大於鴟子彭聃猶爲夭吉凶如糾纏憂

喜相紛表天地爲我鍾萬物一何小達人垂大觀誠此苦不  
早垂離卽長衢惆悵盈懷抱孰能察其心感之以蒼昊齊契  
在今朝守與偕老

金谷集作詩

潘岳

王生和鼎實石子鎮海沂親友各言邁中心悵有違何以叙  
離思携手游郊畿朝發晉陽夕次金谷湄迴路繁曲阻峻  
阪路威夷綠池泛淡淡青柳何依依湍泉龍鱗淵激波連珠  
揮前庭樹沙棠後園植烏桺靈囿繁石榴茂林列芳梨飲至  
臨華沼遷坐登隆坻玄醴染朱顏但想杯行遲揚桴撫靈鼓  
蕭管清且悲春榮誰不慕歲寒良獨希投分寄石友白首同  
所歸

土撫軍庚西陽集別作

謝瞻

祇召旋北京守官反南服方舟析舊知對筵曠明牧舉鴈於  
飲餞指途念出宿來晨無定端別畧有成速頌陽照通津夕  
陰曖平陸榜人理行艫軒命歸僕分手東城園發權西江  
隩離會難相雜逝川豈往復誰謂情可書盡言非尺牘

鄰里相送方山詩

謝靈運

祇役出皇邑相期憩甌越解纜及流潮懷舊不能發折柳就  
衰林皎皎明秋月含情易爲盈遇物難可歇積疴謝牛憲寡  
欲罕所闕資此永幽棲豈伊年歲別各勉日新志音聲慰  
茂

新亭渚別范零陵詩

謝朓

洞庭張樂地。瀟湘帝子游。雲去蒼梧野。水還江漢流。停驂我  
悵望。輟棹子夷猶。廣平聽方籍。茂陵將見求。心事俱已矣。江  
上徒離憂。

別范安成詩

沈約

生不少年日。分手易前期。及爾良辰暮。非復別離時。勿言  
樽酒明日難重持。夢中不識路。何以慰相思。

詠史詩

王粲

自古無殉死。達人所共知。秦穆殺三良。惜哉空爾為。結髮事  
明君。受恩良不訾。臨沒要之死。焉得不相隨。妻了當門流。兄  
弟哭路垂。臨穴呼蒼天。涕下如繩縻。人生各有志。終不為此  
移。同知埋身劇。心亦有所施。生為百夫雄。死為壯士規。黃鳥

作悲詩至今聲不絕

三良詩

曹植

功名不可為。忠義我所安。秦穆先下世。三臣皆自殘。生時等  
榮樂。既沒同憂患。誰言捐軀易。殺身誠獨難。橫涕登君墓。臨  
穴仰天歎。長夜何冥冥。一往不復還。黃鳥為悲鳴。哀哉傷肺  
肝。

詠史詩八首

左思

弱冠弄柔翰。卓犖觀羣書。著論准過秦。作賦擬子虛。邊城  
鳴鐃羽。檄飛斥都。雖非甲冑士。嚆首覽穢苴。長嘯激清風。志  
若無東吳。鉞刀貴。割夢想騁良圖。左眄澄江湘。右盼定羌  
胡。功成不受爵。長揖歸田廬。鬱鬱澗底松。離離山上苗。以彼



徑寸莖蔭此百尺條。世胄嶽高位。英俊沈下僚。地勢使之然。由來非一朝。金張藉舊業。七葉珥漢貂。馮公豈不偉。白首不見招。吾希段下木。假息滹沱君。吾慕魯仲連。談笑却秦軍。當世貴不羈。遭難能解紛。功成恥受賞。高節卓不羣。臨組不肯綵。對珠宮肯分。連璽驪前送。此之猶浮雲。濟濟京城。赫赫王侯居。冠蓋陰四術。朱輪竟長衢。朝集金張館。暮宿許史廬。南鄰擊鐘器。北里吹笙竽。寂寂揚子宅。門無卿相與。寥寥空宇內。所講在玄虛。言論準宣尼。辭賦擬相如。悠悠自世後。英名擅八區。皓天舒白日。靈景耀神州。列宅紫宮裏。飛宇若雲浮。峩峩高門內。藹藹皆下侯。自非攀龍客。何爲歛來游。彼何用。聞闔高步追。許山振衣千仞岡。濯足萬里流。荆刺飲燕市。

酒酣氣益震。哀歌和漸離。謂若傷無人。雖無壯節與世亦殊倫。高盼逸四海。豪右何足陳。貴者雖自貴。視之若埃塵。賤者雖自賤。重之若千鈞。上父官不達。骨肉還相薄。買田因糶米。伉儷不安宅。陳下無產業。歸來鬻負郭。長卿還成都。壁立何寥廓。四賢豈不偉。遺烈光篇籍。當其未遇時。憂在填溝壑。英雄有迥邐。由來自古昔。何世無向小。道之在草澤。習習籠中鳥。舉翮觸四隅。落落窮巷士。抱影守空廬。出門無通路。枳棘塞中途。計策棄不收。塊若枯池魚。外望無寸祿。內顧無斗儲。親戚還相蔑。朋友日夜疎。蘇秦北游說。李斯西上書。俛仰生榮華。咄嗟復彫枯。飲河期滿腹。貴足不願餘。巢林棲一枝。可爲達士模。

詠史詩

張協

昔在西京時。朝野多歡娛。請講東都門。羣公祖三。葉朱。特權  
金城供帳臨。長衢達人知。止足遺榮忽。如無抽簪解朝衣。散  
髮歸海隅。行人為隕淚。賢哉此丈夫。揮金樂當年。歲暮不留  
儲。顧謂四座賓。多財為累。思清風激萬代。名與天壤俱。咄此  
蟬冕客。君紳宜見書。

覽古詩

盧湛

趙氏有和璧。天下無不傳。秦人來求市。厥價徒空言。與之將  
見賣。不與恐致患。簡不備行李。圖令國命全。蘭生在下位。纒  
子稱其賢。奉辭馳出境。伏軾稱人關。秦王御殿坐。趙使擁節  
前。揮袂脫金杜。身玉夏俱捐。連城既偽社。荆玉亦真還。爰在

泗池會。一上剋交歡。昭襄欲負力。相如折其端。背血下。霑襟  
怒髮上。衝冠西伯終。雙擊東越不。隻彈捨生豈不易。處死誠  
獨難。稜威章臺。顛瀆禦亦不干。屈節邯鄲中。俛首忍。迴軒廉  
公何為者。負荆謝厥警。智勇冠當世。弛張使我歎。

張子房詩

謝瞻

王風哀以思。周道蕩無章。卜洛易隆替。典亂罔不亡。力政吞  
九鼎。苛慝暴三殤。息肩纏民思。靈鑒集朱光。伊人感代工。聿  
來扶興王。婉婉幙中畫。輝輝天業昌。鴻門銷薄蝕。垓下隕機  
槍。爵仇建蕭宰。定都護儲皇。肇允契幽叟。翻飛指帝鄉。慧心  
奮千祀。清埃播無疆。神武睦三正。裁成被八荒。明兩燭河陰。  
慶霄薄汾陽。鑿於歷頽。寢飾像薦嘉。嘗聖心豈徒甄。惟德在

無忘逝者如可作。換子慕周行。濟濟屬車士。粲粲翰墨場。瞽夫違盛觀。踈踊企一方。四達雖乎直。蹇步愧無良。餐和忘微遠。延首詠太康。

秋胡詩

顏延之

荷梧傾高鳳。寒谷待鳴律。影響豈不懷。自遠每相匹。婉彼幽閑女。作嬪君子室。峻節貫秋霜。明豔伴朝日。嘉運旣我從。欣願自此畢。其一。燕居未及好。良人顧有違。脫巾千里外。結綬登王畿。戒徒在昧且。左右來相依。驅車出郊郭。行路正威遲。存爲久離別。沒爲長不歸。其二。嗟余怨行役。三陟窮晨暮。嚴駕越風寒。解鞍犯霜露。原隰多悲涼。迴颺卷高樹。離獸起荒蹊。驚鳥縱橫去。悲哉游宦子。勞此山川路。其三。超遙行人遠。

宛轉年運徂。良時爲此別。日月方回除。孰知寒暑積。僮僕見榮枯。歲暮臨空房。涼風起坐隅。寢興日已寒。白露生庭蕪。其四。勤役從歸。願反路遵山河。昔辭秋未素。今也歲載華。蠶月觀時暇。桑野多經過。作人從所務。窈窕援高柯。頃城誰不顧。弭節停中阿。其五。年往誠思勞。路遠澗音形。雖爲七載別。相與昧平生。捨車遵往路。息藻馳目成。南金豈不重。聊自息所輕。義心多苦調。密比金玉聲。其六。高節難久淹。竭來空復辭。遲遲前途盡。依依造門基。上堂拜嘉慶。入室問何之。日暮行采歸。物色桑榆時。美人望昏至。慚歎前相持。其七。有懷誰能已。聊用申苦難。離居殊年載。一別阻河關。春來無時豫。秋至恒早寒。明發動愁心。閨中起長歎。慘悽歲方晏。日落游子顏。

其八 高張生絕絃聲急出調起自昔在光塵結言固終始如  
何久爲別百行愆諸已君子失明義誰與借沒齒愧彼行露  
調甘之長川汜其九

五君詠五首

顏延之

阮步兵

阮公雖淪跡識密鑿亦洞沈醉似埋照寓辭類託諷長嘯若  
懷人越禮自驚衆物故不可論途窮能無慟

嵇中散

中散不偶世本自餐霞人形解駁賦仙吐論知凝神立俗迕  
流議尋仙洽隱淪鸞翮有時鍛龍性誰能馴

劉參軍

劉伶薄用關懷情滅聞見鼓鐘不足歡榮色豈能眩韜精且  
沈飲誰知非荒宴頌酒雖短章深衷自此見

仲容青雲器實稟生民秀德音何用深識微在金奏郭奕已  
心辭山公非虛觀屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句交引既  
鴻軒攀嵇亦鳳舉流連河裏游惻愴山陽賦

詠史詩

鮑昭

五都矜財雄三川養聲利百金不市死明經有高位京城十  
二衢飛甍各鱗次仙子影華纓遊客躑躅輕轡明星晨未稀軒

蓋已雲至賓御紛颯。鞍馬光照地。寒暑在。一時繁華及春。媚君平。獨寂寞。身世兩相棄。

詠霍將軍北伐詩

虞子陽

確旄爲漢將。汗馬出長城。長城地勢險。萬里與雲平。涼秋八月。月。虜騎入幽。丹。飛狐。白日。晚。瀚海。愁雲。生。羽書。時。斷。絕。斗。晝。夜。驚。乘。墉。揮。寶。劍。蔽。日。引。高。旂。雲。屯。七。萃。十。魚。麗。六。郡。兵。胡。笳。關。下。思。羌。笛。隴。頭。鳴。骨。都。先。自。警。日。逐。次。亡。精。上。門。罷。斥。候。甲。第。始。修。營。位。登。萬。庾。積。功。立。百。行。成。天。長。地。自。久。人道。有。虧。盈。未。窮。激。楚。樂。已。見。高。臺。傾。當。令。麟。閣。一。一。載。有。雄。名。

百一詩

應璩

下流不可處。君子慎厥初。名高不宿著。易州受侵誣。前者豫官去。有人適我閭。田家無所有。酌醪焚枯魚。問我何功德。入承明。慮所占。於此。上。是。謂。仁。智。居。文。章。不。經。國。筮。篋。無。尺。書。用。等。稱。才。學。往。往。見。歎。譽。避。席。跪。自。陳。賤。子。實。空。虛。宋。人。遇。周。客。慚。媿。靡。所。如。

遊仙詩

何劭

青青陵上松。亭亭高山栢。光色冬夏茂。根柢無彫落。吉士懷貞心。悟物思遠託。揚志支雲際。流目囑巖石。羨昔卜子喬。友道發伊洛。迢遞陵峻岳。連翩御飛鶴。抗跡遺萬里。豈戀生人樂。長懷慕仙類。眈然心綿邈。

遊仙詩七首

郭璞

京華遊俠宿山林。隱遯棲朱門。何足榮未若。託蓬萊。臨源挹  
清波。凌岡。撥丹。羨靈谿。可潛盤安事。吞雲。掬漆園。有傲吏。萊  
氏有逸妻。進則保龍。見退爲鯛。潘飢高蹈。風塵外。長揖謝夷  
齊。青谿千餘仞。中有一道士。雲生翠棟間。風出窻戶裏。借問  
此何誰。云是鬼谷子。翹迹企頓陽。臨河思洗耳。聞闔西南來。  
潛波浪鱗起。靈妃顧我笑。粲然啓玉齒。寒修時不存。晏之將  
誰使。翡翠戲蘭苕。容色更相鮮。綠蘿結高林。蒙籠蒼山中。  
有冥寂士。靜嘯撫清絃。放情凌霄外。嚼藥挹飛泉。赤松臨上  
游。駕鴻乘紫煙。左挹浮丘袖。右拍洪崖肩。借問蜉蝣輩。寧知  
龜鶴年。六龍安可頓。運流有代謝。時變感人思。已秋復願夏。  
淮海變微禽。吾生獨不化。雖欲騰丹谿。雲螭非我駕。愧無魯

陽德。廻日向。舍臨川。哀年邁。撫心獨悲此。逸翮思拂霄。迅  
足羨遠游。清源無曾瀾。安得運吞舟。珪璋雖特達。明月難闡  
投。潛穎怨青陽。陵苕哀素秋。悲來惻丹心。零淚緣纓流。維縣  
寓魯門。風煖將爲災。吞舟涌海底。高浪駕蓬萊。神仙排雲出。  
但見金銀臺。陵陽挹丹溜。容成揮玉杯。如娥揚妙音。洪崖領  
其頤。升降隨長煙。飄飄戲九垓。奇齡邁五龍。千歲方嬰孩。燕  
昭無靈氣。漢武非仙才。晦朔如循環。月盈已復魄。蓂收清西  
陸。朱羲將由白。寒露拂陵苕。女蘿辭松柏。薜榮不終朝。蜉蝣  
豈見夕。圓丘有奇草。鍾山出靈液。王孫列八珍。安期鍊五石。  
長揖當途人。去來山林客。

招隱詩二首

左思

杖策招隱士。荒塗橫古今。巖穴無結構。丘中有鳴琴。白雲停  
陰暉。丹葩曜陽林。石泉漱瓊瑤。纖鱗或浮沉。非必絲與竹。山  
水有清音。何事待嘯歌。灌木自悲吟。秋菊兼糝糧。幽蘭間重  
襟。躊躇足力煩。聊欲投吾簪。經始東山廬。果下自成林。前有  
寒泉井。聊可整心神。峭倩青蔥間。竹栢得其真。弱葉棲霜雪。  
飛榮流餘津。爵服無常玩。好惡有屈伸。結綬生纏牽。彈冠去  
埃塵。惠連非吾屈。首陽非吾仁。相與觀所尚。逍遙撰良辰。

招隱詩

陸機

明發心不夷。振衣聊躑躅。躑躅欲安之。幽人在浚谷。朝采南  
澗藻。夕息西山足。輕條象雲構。密葉成翠幄。激楚竹蘭林。回  
芳薄秀木。山溜何泠泠。飛泉漱鳴玉。哀音附靈波。頽響赴曾  
巖。至樂非有假。安事澆淳樸。富貴苟難圖。稅駕從所欲。

反招隱詩

王康裕

小隱隱峻數。大隱隱朝市。伯夷竄首陽。老聃伏柱史。昔在太  
平時。亦有巢居子。今雖盛明世。能無中林士。放神青雲外。絕  
迹窮山裏。鷓鴣先晨鳴。哀風迎夜起。凝霜凋朱顏。寒泉傷玉  
趾。周才信衆人。偏智任諸已。推分得天和。矯性失至理。歸來  
安所期。與物齊終始。

芙蓉池作

魏文帝

東菴夜行遊。逍遙步西園。雙渠相溉灌。嘉木繞通川。卑枝拂  
羽蓋。修條摩蒼天。驚風扶輪轂。飛鳥翔我前。丹霞夾明月。華  
星出雲間。上天垂光采。五色何鮮壽。命非松喬誰能得。神

仙遊遊快心意保已終百年

南州相公九井作

殷仲文

四運雖鱗次。理化各有準。獨有清秋日。能使高興盡。景氣多  
明遠。風物自淒緊。爽籟驚幽律。哀壑叩虛牝。歲寒無早秀。浮  
榮甘夙隕。何以標貞脆。薄言寄松菌。哲匠感蕭晨。肅此塵外  
軫。廣庭散泛愛。逸爵紆勝引。伊余樂好仁。感祛吝亦泯。猥首  
阿衡朝。將貽甸奴哂。

游西池

謝混

悟彼蟋蟀唱。信此勞者歌。有來豈不疾。良遊常蹉跎。逍遙越  
城肆。願言屢經過。迴阨被陵闕。高臺眺飛霞。惠風蕩繁囿。白  
雲屯曾阿。景長鳴禽集。水木湛清华。寒裳順蘭池。徙倚引芳  
柯。美人愆歲月。遊暮獨如何。無為牽所思。南榮成其多。

泛湖歸山樓中觀月

謝惠連

日落泛澄瀛。星羅浮輕捷。憩謝面曲汜。臨流對迴瀾。棗共  
駢。遊並坐。相招要哀鴻。鳴沙渚。悲猿響山椒。亭亭映江月。瀾  
翻出谷颺。瑟瑟氣幕岫。泫泫露盈條。近矚祛幽蘊。遠視盪諠  
囂。晤言不知罷。從夕至清朝。

從游京口北固應詔

謝靈運

玉璽戒誠信。黃屋示崇高。事為名教用。道以神理超。昔聞汾  
水游。今見塵外鑣。鳴笳發春渚。稅鑿登山椒。張組眺倒景。列  
筵矚歸潮。遠巖映蘭薄。白日麗江臯。原隰黃綠柳。墟圃散紅  
桃。皇心美陽澤。萬象咸光昭。顧已在維繫。撫志慚場苗。工拙



各所宜終以反林巢。曾是榮舊想。覽物奏長謠。

晚出西射堂

謝靈運

步出西城門。遙望城西岑。連障疊巘嶠。嶢嶢青翠杳。深沈曉霜楓。葉丹夕曛嵐。氣陰節往感。不淺感來念。已深羈雌戀。舊侶迷鳥懷。故林含情尚勞愛。如何離賞心。撫鏡華。緇鬢攬帶緩。促衿安排徒空言。幽獨賴鳴琴。

登池上樓

謝靈運

潛虬媚幽姿。飛鴻響遠音。薄霄愧雲浮。棲川怍淵沈。進德智所拙。退耕力不任。狗祿反窮海。以病對空林。衾枕昧節候。寒關暫窺臨。傾耳聆波瀾。舉目眺嶠嶽。初景革緒風。新陽收故陰。池畔生春草。園柳變鳴禽。祁祁傷幽歌。萋萋感楚吟。索居易

易。永久離群難。處心持操豈獨占。無悶徵在今。

遊南亭

謝靈運

時竟夕澄霽。雲歸日西馳。密林含餘清。遠峯隱半規。久海昏墊苦。旅館眺郊岐。澤蘭漸被徑。芙蓉始發池。未厭青春好。已覩朱明移。感感感物歎。星星白髮垂。藥餌情所止。衰疾忽在斯。逝將候秋水。息景偃舊崖。我志誰與亮。賞心惟良知。

遊赤石進帆海

謝靈運

首夏猶清和。芳草亦未歇。水宿淹晨暮。陰霞屢興沒。周覽倦瀛壖。况乃凌窮髮。川后時安流。天吳靜不發。揚帆采石華。挂席拾海月。溟漲無端倪。虛舟有超越。仲連輕齊組。子牟眷魏闕。矜名道不足。適已物可忽。請附任公言。終然謝天伐。

石壁精舍還湖中作

謝靈運

昏旦變氣候。山水含清暉。清暉能娛人。游子憺忘歸。出谷日尚早。入舟陽已微。林壑斂暝色。雲霞收夕霏。芰荷迭映蔚。蒲稗相因依。披拂趨南徑。愉悅偃東扉。慮澹物自輕。意愜理無違。寄言攝生客。試用此道推。

登石門最高頂

謝靈運

晨策尋絕壁。夕息在山棲。疏峯抗高館。對嶺臨迴谿。長林羅戶庭。積石擁基階。連巖覺路塞。密竹使徑迷。來人忘新術。去子感故蹊。活活夕流駛。嘒嘒夜猿啼。沈冥豈別理。守道自無攜。心契九秋翰。目翫三春莢。居常以待終。處順故安排。惜無同懷客。共登青雲梯。

於南山往北山經湖中瞻眺

謝靈運

朝旦發陽崖。景落憩陰峯。舍舟眺迥渚。停策倚茂松。側徑既窈窕。環洲亦玲瓏。俛視喬木杪。仰聆大壑淙。涼石橫水分。流林密蹊絕。蹤解作竟何感。升長皆手容。初篁苞綠籜。新蒲含紫茸。海鷗戲春岸。天雞弄和風。撫化心無厭。覽物春彌重。不惜去人遠。但恨莫與同。孤游非情歎。賞廢理誰通。

從斤竹澗越嶺溪行

謝靈運

猿鳴誠知曙。谷幽光未顯。巖下雲方合。花上露猶泫。逶迤傍隈隩。迢遞陟陁峴。過澗既厲急。登棧亦凌緬。川渚屢逕復。乘流翫迴轉。蘋萍泛沈深。菰蒲冒清淺。企石挹飛泉。攀林摘葉卷。想見山阿人。薜蘿若在眼。握蘭勤徒結。折麻心莫展。情用

賞爲美事味竟誰辨觀此遺物處一倍得所遣

應詔觀北湖田收

顏延之

周御窮轍跡。夏載歷山川。蓄軫豈明憇。善游皆聖仙。帝暉膺  
順動。清蹕巡廣廡。樓觀眺豐穎。金駕映松山。飛奔互流綴。緹  
鼓代廻環。神行埒浮景。爭光溢中天。開冬春征物。殘悴益化  
先。陽陸團精氣。陰谷曳寒煙。攢素既森藹。積翠亦蔥芊。息養  
報嘉歲。通急戒無年。溫渥決典謀。和惠屬後筵。觀風久有作。  
陳詩愧未妍。疲弱謝凌遽。取累非纏牽。

車駕幸京口侍游蒜山作

顏延之

元天高北列。日觀臨東溟。入河起陽峽。踐華內削成。巖險去  
漢宇。襟衛徒吳京。流池自化造。山關固神營。園縣極方望。邑

社總地靈。它道炳星緯。誕曜應辰明。睿思纏故里。巡駕市舊  
坳。陟峯騰輦路。弄雲抗瑤甍。春江壯風濤。蘭野茂蕙英。宜游  
弘下濟。窮遠凝聖情。岳濱有和會。祥習在卜征。周南悲昔老。  
留滯感遺萌。空食疲廊肆。反稅事巖耕。

車駕幸京口三月三日侍遊曲阿後湖作

顏延之

虞風載帝狩。夏諺頌王遊。春方動宸駕。望幸傾五州。山祗蹕  
嶠路。水若警滄流。神御出瑤軫。天儀降藻舟。萬軸胤行衛。千  
翼泛飛浮。彫雲麗璇蓋。祥飈被綵旒。江南進荆豔。河激獻趙  
謳。金練照海浦。笳鼓震溟洲。藐盼觀青崖。衍漾觀綠疇。民靈  
騫都野。鱗翰聳淵丘。德禮既普洽。川岳徧懷柔。

行樂至城東橋

鮑昭

雞鳴關吏起。伐鼓早通晨。嚴車臨廻陌。瞰歷城闕。蔓草緣  
高隅。修楊夾廣津。迅風首且發。平路塞飛塵。擾擾遊宦子。管  
管市井人。懷金近從利。撫劍遠辭親。爭先萬里途。各事百年  
身。開芳及稚節。含彩吝驚春。尊賢永照灼。孤賤長隱淪。容華  
坐消歇。端為誰苦辛。

遊東田

謝朓

戚戚苦無悰。携手共行樂。尋雲陟累榭。隨山望菌閣。遠樹暖  
阡阡。生煙紛漠漠。魚戲新荷動。鳥散餘花落。不對芳春酒。還  
望青山郭。

從冠軍建平王登廬山香牓峯

江淹

廣成愛神鼎。淮南好月經。此山具鸞鶴。往來盡仙靈。瑤草正  
翕施。玉樹信蔥青。絳氣下縈薄。白雲上杳冥。中坐吸蜿蜒。俯  
伏視流星。小尋退怪極。則知日月驚。日落長沙渚。曾陰萬里  
生。藉蘭素多意。臨風默含情。方學松柏隱。羞逐市井名。幸承  
光誦末。伏思託後於。

鍾山詩應西陽王教

沈約

靈山紀地德。險峭資岳靈。終南表秦觀。少室遞下城。翠鳳翔  
淮海。衿帶繞神祠。北阜何其峻。林薄杳蔥青。其發地多奇。  
嶺于雲非一狀。合沓共隱天。參差互相望。鬱律構丹嶽。嵒嶒  
起青嶂。勢隨九疑高。氣與三山壯。其二。卽事既多美。臨眺殊  
復奇。南瞻儲胥觀。西望昆明池。山中咸可悅。賞遂四時移。春

光發隴首秋風生桂枝其三多值息心侶結象山之足八解  
鳴澗流四禪隱巖曲窈冥終不見蕭條無可欲所願從之遊  
寸心於此足其四君王挺逸趣羽旆臨崇基白雲隨玉趾青  
霞雜桂旗淹留訪五藥顧步行三芝於焉仰靈駕歲暮以爲  
期其五

宿東園

沈約

陳王關雞道安仁采樵路東郊豈異昔聊可閑余步野徑旣  
盤紆荒阡亦交互植籬疎復密荆扉新且故樹頂鳴風颺草  
根積霜露驚響去不息征鳥時相顧茅棟嘯愁鳴平岡走寒  
兔夕陰帶曾阜長煙引輕素飛光忽我逾豈止歲云暮若蒙  
西山藥顏齡儻能度

游沈道士館

沈約

秦皇御宇宙漢帝恢武功懽娛人事盡情性猶未允銳意三  
山上託慕九霄中旣表祈年觀復立望仙宮寧爲心好道直  
由意無窮日余知止足是願不須豐遇川淹留處便欲息微  
躬山嶂遠重疊竹樹近蒙籠開衿濯寒水解帶臨清風所累  
非外物爲念在玄空朋來握石髓賓至駕輕鴻都令人徑絕  
唯使雲路通一舉凌倒景無事適華嵩寄言賞心客歲暮爾  
來同

古意酬到長史溉登琅邪城

徐悱

甘泉警烽候上谷抵樓蘭此江稱豁險茲山復鬱盤表裏窮  
形勝襟帶盡巖巒修篁壯下屬危樓峻上干登陣起遐望廻

首見長安金溝朝。灞滻甬道入。鴛鴦解車。鸞華轂。汗馬躍銀  
鞍。少年負壯氣。耿介立衝冠。懷紀燕山石。思開函谷丸。豈如  
霸上戲。羞取路傍觀。奇言封侯者。數奇良可歎。

詠懷詩十七首

阮籍

夜中不能寐。起坐彈鳴琴。薄帷鑒明月。清風吹我襟。孤鴻號  
外野。翔鳥鳴北林。徘徊將何見。憂思獨傷心。

二妃遊江濱。逍遙順風翔。交甫懷環珮。婉孌有芬芳。荷靡情歎  
愛。千載不相忘。傾城迷下蔡。谷好結中腸。感激生憂思。萱草  
樹蘭房。膏沐爲誰施。其雨怨朝陽。如何金石交。一旦更離傷。  
嘉樹下成蹊。東園桃李秋。風吹飛蓬零。落從此始繁。華有  
憔悴堂上生。荆杞驅馬舍之去去。上西山。躡一身不自保。何

况戀女子。歎相彼野苒。歲暮亦云已。昔曰繁華。了安後。火龍陽。人天桃李。灼灼有輝。北阮。憐若  
九春。馨折似。秋霜。流盼發姿媚。言笑吐芬芳。携手等歡愛。宿  
昔同衣裳。願爲雙飛鳥。比翼共翱翔。丹青著明誓。永世不相  
忘。天馬出西北。山來從東道。春秋非有託。富貴焉常保。青露被  
臯蘭。凝霜素野。草朝爲媚少年。夕暮成醜老。自非止道。誰  
能常美好。登高臨四野。北望青山阿。松柏鬢鬢。飛鳥鳴相過。感慨懷  
辛酸。怨毒常苦多。季公悲東門。蘇子疾三河。求仁自得不  
復歎咨嗟。

開秋北涼氣。蟋蟀鳴床帷。感物懷殷憂。悄悄令心悲。多言焉  
所告。繁辭將訴誰。微風吹羅袂。明月耀清輝。晨雞鳴高樹。命  
駕起旋歸。

平生少年時。輕薄好絃歌。西游咸陽中。趙李相經過。娛樂未  
終極。白日忽蹉跎。驅馬復來歸。反顧望三河。黃金百鎰盡。資  
用常苦多。北臨太行道。失路將如何。

昔聞東陵瓜。近在青門外。連畛踰阡陌。子母相鉤帶。五色曜  
朝日。嘉賓四面會。膏火自煎熬。多財爲患害。布衣可終身。寵  
祿豈足賴。

步出上東門。北望首陽岑。下有采薇士。上有嘉樹林。良辰在  
何許。凝霜霑衣襟。寒風振山阿。玄雲起重陰。鳴鴈飛南征。鵝

鳴於秋。哀音素質山。商聲悽愴傷我心。

昔年一門五志尚。好士高談傾懷珠。顏回與明謝。軒轅  
四野登。尚有所思在。晨漱山阿萬代同。時一秋。貞歲後榮  
名安所之。乃悟羨門子。嗷嗷今自嗟。

徘徊蓬池上。還顧望大梁。綠水揚洪波。曠野莽蒼蒼。走獸交  
橫馳。飛鳥相隨翔。是時鴻火中。日月不相照。劍風厲嚴寒。陰  
氣下微霜。羈旅無嗜此。俛仰懷哀傷。小人計具。易君子道。其

常。昔惜終樵悴。詠言著斯章。炎暑惟茲夏。可將欲移芳。樹  
垂綠葉清。雲白透迤迤。四時更代謝。日月遞差馳。徘徊空堂上。  
初怕憂我知。願觀卒歡好。不見悲別離。

灼灼西殞日。餘光照我衣。迴風吹四壁。寒鳥相因依。周周商

衡羽蚤蚤亦念飢。如何當路了。弊折忘所歸。嘗爲奉舉名。憔悴使心悲。寧與鶯雀翔。不隨黃鶴飛。黃鶴游四海。中路將安歸。

獨坐空堂。誰可與歡者。出門臨水。路不見行車馬。登高望九州。悠悠分曠野。孤鳥西北飛。離賦東南下。日暮思親友。晤言用自寫。

北里多奇舞。濮上有微音。輕薄閑游子。俯仰乍浮沉。捷徑從狹路。僂俛趣荒淫。焉見工子喬。乘雲翹鄧林。獨有延年術。可以慰我心。

淇淇長江水。上有楓樹林。鳥蘭被徑路。青驪迹駸駸。遠望令人悲。春氣感我心。楚多秀士朝雲進。楚澤朱華振芬芳。高

蔡和迅尋 爲黃雀哀 渤下誰能禁

秋懷詩

謝惠連

平生無志意。少小嬰憂患。如何乘苦心。別復值秋晏。皎皎人月明。奕奕河宿爛。蕭瑟含風蟬。寥唳度雲鴈。寒商動清園。孤燈暖幽幔。耿介繁慮積。展轉長宵半。夷險難預謀。倚伏昧前算。雖好相如達。不同長卿慢。頗悅鄭生僮。無取白木知。古人心。自從性所飭。質主可命。朋來當染翰。高臺驟存踐。清波時陵亂。頽魄不再圓。傾義無兩日。金石終銷毀。丹青豈彫煥。各勉玄髮歡。無貽白首歎。因歌遂成賦。聊用布親串。

臨終詩

歐陽建

伯陽適西戍。孔子欲居巖。荀懷四方志。所在可游盤。况乃遭



屯寒顛沛遇災患古人達機兆策馬遊近關咨余冲且暗抱  
責守微官潛圖密已構成此禍福端恢恢六合間四海  
寬人網布紘網投足不獲安松柏隆冬瘁然後知歲寒不涉  
太行險誰知斯路難真偽因事顯人情難象觀窮達有定分  
慷慨復何歎一負慈母恩痛酷摧心用下顧所憐女惻惻心  
中酸了集若遺念皆遺凶殘不惜身死惟此如循環執  
紙五情寒揮筆涕沈瀾

幽憤詩 四言

嵇康

嗟余薄祜少遭不造哀莫靡識越在極祿母兄鞠育有慈無  
威侍愛肆如不訓不師爰及冠帶憑寵自放抗心希古任其  
所向託好老非賤物貴身志在守樸養素全真日余不敏好

等聞人丁下之收屢增惟塵大人含弘藏垢懷恥民之多僻  
政不由己惟此佈心細明藏否感悟思忽相若創痛欲寡其  
近勞議沸騰性不傷物頗致怨憎昔慚柳惠今愧孫登內負  
宿心外慙良朋仰慕嚴鄭樂道閒居與世無營神氣安如芥  
子不派嬰累多虞匪降自天寔由頑疎理茲志結一政何聞  
對答鄙訕繁此幽阻實恥訟寃時不我與雖曰義自神辱志  
沮澡身滄浪豈不能補嗚嗚嗚嗚嗚嗚嗚嗚嗚嗚嗚嗚嗚嗚嗚嗚  
忘憂嗟我憤歎曾莫能傳事與願違遣茲淹留窮達有命亦  
又何求古人有言善莫近名奉時恭默咎悔不生萬石周慎  
安親保榮世務紛紜祇攬予情安樂必誠乃終利貞煌煌憂  
芝年秀子獨何為有志不就懲難思復心焉內坎庶曷

將來無聲無臭。永被山阿散髮。巖岫水嘯長吟。願作養壽。

七哀詩 五言

曹植

明月照高樓。流光正徘徊。上有愁思婦。悲歎有餘哀。借問歎者誰。言是宕子妻。君行踰十年。孤妾常獨棲。君若清路塵。妾若濁水泥。浮沉各異勢。會合何時諧。願爲西南風。長逝入君懷。君懷良不開。賤妾當何依。

七哀詩 首

王粲

西京亂無象。豺虎方遘患。復棄中國去。遠身適荆蠻。親戚對我悲。朋友相追攀。出門無所見。白骨蔽平原。路有飢婦人。抱子棄草間。顧聞號泣聲。揮涕獨不還。未知身死處。何能兩相完。驅馬棄之去。不忍聽此言。南登霸陵岸。回首望長安。悟彼

下泉人喟然傷心肝

荆蠻非我鄉。何爲久滯淫。方舟溯大江。日暮愁我心。山岡有餘暎。巖阿增重陰。狐狸馳赴穴。飛鳥翔故林。流波激清響。猿猴臨岸吟。迅風拂裳袂。白露霑衣襟。獨夜不能寐。攝衣起撫琴。絲桐感人情。爲我發悲音。羈旅無終極。憂思壯難任。

七哀詩一首

張載

北芒何岵岵。高陵有四五。借問誰家墳。皆言漢世主。恭文遙相望。原陵鬱膻膻。季世喪亂起。賊盜如豺虎。毀壤過一抔。便房啓幽戶。珠柩離玉體。珍寶見剽虜。園寢化爲墟。周墉無遺堵。蒙龍荆棘生。蹊徑登童豎。狐兔窟其中。燕穢不復掃。頽墮金甌發。萌繇營農圃。昔爲萬乘君。今爲丘山上。感彼雍門言。

悽愴哀往古

秋風吐商氣。蕭瑟掃前林。陽鳥收和響。寒蟬無餘音。白露中  
夜結。木落柯條森。朱光馳北陸。浮景忽西沉。顧望無所見。唯  
覩松柏陰。蕭蕭高桐枝。翩翩棲孤禽。仰聽離鴻鳴。俯聞蜻蛚  
吟。哀人易感傷。觸物增悲心。丘隴日已遠。纏綿彌思深。憂來  
令髮白。誰云愁可在。徘徊向長風。淚下霑衣襟。

悼亡詩三首

潘岳

荏苒冬春謝。寒暑忽流易。之子歸窮泉。重壤永幽隔。私懷誰  
克從。淹留亦何益。僊俛恭朝命。廻心反初役。望廬思其人。入  
室想所歷。幃屏無髮鬢。翰墨有餘跡。流芳未及歇。遺挂猶在  
壁。悵恍如或存。周惶忡驚惕。如彼翰林鳥。雙棲一朝隻。如彼

游川魚。比目中路析。春風綠隄來。晨雷承簷滴。寢息何時忘。  
沉憂日盈積。庶幾有時衰。非缶猶可擊。

皎皎窓中月。照我室南端。清商應秋至。溽暑隨節闌。河涼  
風。升始覺。夏衾單。豈曰無重纈。誰與同歲寒。歲寒無與同。則  
月何朧朧。展轉盼枕席。長簟竟牀空。牀空委清塵。室虛來悲  
風。獨無李氏靈。髮鬢觀鬢客。撫襟長歎息。不覺涕霑習。習習  
安能已。悲懷從中起。寢興日存形。遺音猶在耳。上慚東門吳。  
下愧蒙莊子。賦詩欲言志。此志難具紀。命也可奈何。長戚自  
令鄙。

靡靈運天機。四節代遷逝。凄凄朝露凝。烈烈夕風厲。奈何悼  
淑儷。儀容永潛翳。念此如昨日。誰知已卒歲。收服從朝政。哀

心寄私制。茵幃張。故房朔望臨。爾祭爾祭。詎幾時。朔望忽復。盡衾裳一毀。撒千載不復。引。曹曹。其月周。戚戚。彌相懸。悲懷感物。米泣涕。應情。隕。駕言陟。東阜。望墳。思糾軫。徘徊。墟墓間。欲去復不忍。徘徊不忍去。徙倚步踟躕。落葉委地。側枯荻。帶墳。獨。獨。獨。安知靈與無。投心遵朝命。揮涕強就車。誰謂帝宮遠。路極悲有餘。

廬陵王墓下作

謝靈運

曉月發雲陽。落日次朱方。含悽泛廣川。灑淚眺連岡。眷言懷君子。沈痛結中腸。道消結憤懣。運開申悲涼。神期恒若存。德音初不忘。祖謝易永久。松柏森已行。延州協心許。楚老惜蘭芳。解劍竟何及。撫墳徒自傷。平生疑若人。通蔽互相妨。理感深情慟。定非識所將。脆促良可哀。天枉特兼常。一隨往化滅。安川空名揚。舉聲泣已漉。長歎不成章。

拜陵廟作

顏延之

周德恭明祀。漢道遵光靈。哀敬隆祖廟。崇樹加園墜。逮事休命始。投迹階王庭。陪厠廻天顧。朝譙流聖情。早服身義重。晚達生戒輕。否來王澤竭。泰往人悔形。勑躬慚積素。復與昌運并。恩合非漸漬。榮會在逢迎。夙御嚴清制。朝駕守禁城。束紳入西寢。伏軾出東甬。衣冠終冥漠。陵邑轉蔥青。松風遵路急。山煙冒壠生。皇心憑宰物。民思被歌聲。萬紀載絃吹。千載託旒旌。木殊帝世遠。已同淪化萌。幼壯困孤介。未暮謝幽貞。發軌喪夷易。歸軫慎崎嶇。

同謝諮議銅爵臺詩

謝朓

總帷飄井幹。樽酒若平生。鬱鬱西陵樹。詎聞歌吹聲。芳襟染  
淚迹。嬋媛空復情。玉座猶寂寞。况乃妾身輕。

山郡傳舍哭范僕射

任昉

平生禮數絕。式瞻在國楨。一朝萬化盡。猶我故人情。待時屬  
興運。上佐俟民英。結歡三十載。死一交情。携手適衰孽。接  
景事休明。運阻衡言革。時泰玉階平。濟川得茂彥。夫子值狂  
生。伊人有涇渭。非余揚濁清。將乖不忍別。欲以遣離情。不忍  
一辰意。千齡萬恨生。其 已矣平生事。詠歌盈篋笥。兼復相  
嘲諤。常與虛舟值。何時見范侯。還叙平生意。其 與子別幾  
辰。經塗不盈旬。弗覩朱顏改。徒想平生人。寧知安歌日。非君

撒瑟晨已矣余何歎輟春哀國均其三

文選正文卷之五

終